

Broj: 101-11275/25 AK
Zenica, 03.10.2025. godine

Na osnovu člana 69., stav 2., tačke (d), člana 70., stav 1., 4., i 6. Zakona o javnim nabavkama („Službeni glasnik BiH“, broj 39/14, broj 59/22), na Preporuku Komisije za nabavku broj: 501-11273-1/25 AK od 03.10.2025 godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o poništenju postupka za nabavku fazonskih komada

I

Poništava se postupak javne nabavke za nabavku fazonskih komada iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d), Zakona o javnim nabavkama („Službeni glasnik BiH“, broj 39/14, broj 59/22, broj 50/24).

II

Za izvršenje ove Odluke zadužuje se Komisija za nabavke.

III

Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

Obrazloženje

Odlukom broj: 101-9704/25 BS od 25.08.2025. godine pokrenut je postupak javne nabavke fazonskih komada putem otvorenog postupka sa zaključenjem okvirnog sporazuma na period od 12 mjeseci.

Procijenjena vrijednost javne nabavke bez uračunatog PDV-a je 690.000,00 KM.

Radi provođenja postupka nabavke imenovana je Komisija za nabavku (u daljem tekstu: Komisija) Odlukom broj: 101-9845/25 AB od 28.08.2025. godine.

Dana 26.08.2025.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-414-3-186/25 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 25.09.2025. godine.

Rok za dostavljanje ponuda je bio 25.09.2025. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. TOPLOTA d.o.o. Zenica
2. VODOSKOK d.o.o. Tomislavgrad
3. BIHEXO d.o.o. Sarajevo

Dana 25.09.2025. godine, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Nakon ocjene ponuda Komisija je sačinila Zapisnik o ocjeni ponuda broj: 501-11273/25 AK od 03.10.2025 i provjerom sadržaja i validnosti dokumentacije, utvrdila sljedeće:

Ponuđač TOPLOTA d.o.o. Zenica je u kataloškom listu pod stavkom 1.1. označio dimenziju 60/50, a tražena dimenzija je 65/50. Pod stavkom 9.1. tražena dimenzija je 65/50, a ponuđač je označio dimenziju 60/50. Ponuđač nije dostavio certifikat o usklađenosti ili stalnosti svojstava sa standardima EN 1074-1 ili EN 1074-4 ili EN 1074-5 kao što je traženo, niti je dostavio izjavu proizvođača kao alternativni dokaz za stavku 19. kutni izljevni ventil s plovkom. Za stavku 15. E-PEHD gusani epoxy nije ponuđeno brtvljenje kao što je traženo u tabeli tehničke specifikacije. Iz gore navedenih razloga ponuda ponuđača TOPLOTA d.o.o. je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač VODOSKOK d.o.o. Tomislavgrad je u kataloškom listu pod stavkom 15.2. označio dimenziju 60/75 umjesto stavke 65/75 koja je tražena u Aneksu 2. Iz gore navedenog razloga ponuda ponuđača VODOSKOK d.o.o. Tomislavgrad je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Ponuđač BIHEXO d.o.o. Sarajevo je u kataloškom listu ponudio E-PEHD spojnice koje nemaju brtvljenje kao što je traženo u tabeli tehničke specifikacije. E-prirubnički fleksibilni spoj za cijevi od nodularnog liva je za stavke: 14.9 DN 350 tražen opseg (378-400), a ponuđač je nudio dvije spojnice za istu stavku sa manjim opsezima od traženih i to opsege (372-396) i (384-410) što nije prihvatljivo; 14.3. DN 80 tražen opseg (82-107), a ponuđen (82-106). Za stavku 14.6. DN 200 traženo je (218-252) a ponuđeno (193-227) i (224-257) što nije prihvatljivo jer tražena je 1 spojnica, a ne 2. Ista stvar je i sa stavkom 14.12., traženo (532-560) ili (540-575), a ponuđeno (498-552) i (548-580), što nije traženo. Iz gore navedenih razloga ponuda ponuđača BIHEXO d.o.o. Sarajevo je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Shodno prethodno navedenom, Komisija je dala Preporuku da se poništi postupak nabavke jer nije zaprimljena nijedna prihvatljiva ponuda, a na osnovu člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22).

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 69., stav 2., tačka (d) Zakona o javnim nabavkama („Službeni glasnik BiH“, broj 39/14, broj 59/22, broj 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

 DIREKTOR:
Pašalić Emir, dipl.ing.građ.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za tehn.posl.
- 1 x Pom.dir.za razvoj i invest.
- 1 x Službenik za javne nabavke
- 3 x Članovima Komisije
- 1 x Sekretar Komisije
- 1 x a/a